

**ACTA 20/18**

**SESIÓN ORDINARIA DA XUNTA DE GOBERNO LOCAL**

**- 17 DE SETEMBRO DE 2018 -**

Na sala de Xuntas da Casa Consistorial, sendo as 14:05 horas do día 17 de setembro de 2018, reuníronse en primeira convocatoria os/as señores/as concelleiros/as que de seguido se relacionan, baixo a presidencia do sr. alcalde, D. Rafael C. Sisto Edreira, co obxecto de celebrar a sesión ordinaria correspondente ao día da data, para a que foron debidamente convocados/as.

**Presidente:**

D. Rafael Carlos Sisto Edreira

**Concelleiros/as:**

D<sup>a</sup>. Uxía Lemus de la Iglesia

D. Xosé Ignacio Iglesias Villar

D<sup>a</sup>. M<sup>a</sup> Pilar Pérez Fagil

D. Jorge Juan Carballido Salgado

**Non asiste, previa escusa:**

D. Xurxo Francos Liñares

**Arquitecto:** D. Ignacio Soto González

**Secretaría acctal.:** D<sup>a</sup> Sandra M<sup>a</sup>. García Chenlo, que dou fe do acto.

**ORDE DO DÍA:**

**1.- APROBACIÓN DAS ACTAS DAS SESIÓNS DO 03.08.18 E 20.08.18.**

**2.- LICENZAS URBANÍSTICAS.**

**3.- PROPOSTA DA ALCALDÍA DE APROBACIÓN DAS BASES DA CONVOCATORIA DE SUBVENCÍONS A ENTIDADES PARA O FOMENTO DA IGUALDADE ENTRE HOMES E MULLERES E PREVENCIÓN DA VIOLENCIA DE XÉNERO, PARA O EXERCICIO 2018.**

#### **4.- PROPOSTA DA ALCALDÍA DE APROBACIÓN DAS BASES DA CONVOCATORIA DE SUBVENCIONS AS ASOCIACIONES DE ÁMBITO VECIÑAL, SOCIAL E DE IGUALDADE PARA 2018.**

#### **5.- PROPOSTAS DA ALCALDÍA.**

#### **6.- ROGOS E PREGUNTAS.**

Co quórum establecido polas disposicións legais vixentes para a válida constitución da Xunta de Goberno Local, o sr. alcalde declara aberto o acto, pasando a tratar os asuntos incluídos na orde do día que figura na convocatoria, que son os seguintes:

#### **1.- APROBACIÓN DAS ACTAS DAS SESIÓNS DO 03.08.18 E 20.08.18.**

##### *Acta da sesión ordinaria do día 3 de agosto de 2018*

O sr. alcalde pregúntalle aos/ás sres/as. concelleiros/as se desexan formular algunha observación á acta da sesión ordinaria celebrada con data de 3 de agosto de 2018.

Non habendo observacións ao respecto, queda aprobada a acta citada.

##### *Acta da sesión ordinaria de 20 de agosto de 2018*

O sr. alcalde pregúntalle aos/ás sres/as. concelleiros/as se desexan formular algunha observación á acta da sesión ordinaria celebrada con data de 20 de agosto de 2018.

Non habendo observacións ao respecto, queda aprobada a acta citada.

#### **2.- LICENZAS URBANÍSTICAS.**

Dada conta dos expedientes que se atopan pendentes de resolución, e vistos os informes técnicos e xurídicos, a Xunta de Goberno Local por unanimidade dos seus membros presentes e por delegación da Alcaldía (Decretos de 15/06/2015 e 01/03/2016 (núms. 463/15 e 175/16, respectivamente)), acorda conceder a seguinte relación de licenzas. As licenzas outórganse deixando a salvo o dereito de propiedade e sen prexuízo de terceiro. Condicionadas ao cumprimento da normativa aplicable. Pagarán os interesados os importes da liquidación de dereitos devengados polos expedientes respectivos que será notificada por Secretaría e logo de acreditado o pagamento polo interesado expediranse as licenzas.

As obras executaranse de acordo coas condicións que en cada caso se establecen, segundo os informes técnicos:

**2.1.- A D<sup>a</sup>. REBECA ROMÁN GONZÁLEZ**, licenza para obras de construción de catro cortes e un aseo e instalación dunha pista para práctica da equitación, en Aido, nº 18, parroquia de Luou, R.C.: 15083A501006200000KR, segundo proxecto redactado pola arquitecta María Labrador García.

Expediente núm: **32/18**.

Autorízase o solicitado coas seguintes condicións:

- A obra deberá axustarse estritamente ao proxecto en base ao cal se lle outorga a licenza, redactado pola arquitecta María Labrador García: proxecto básico de caballerizas y pista deportiva.

Nas obras que se executasen sen licenza ou con inobservancia das súas condicións serán sancionadas por infracción urbanística as persoas físicas ou xurídicas responsables delas en calidade de promotor das obras, propietario dos terreos ou empresario das obras, e os técnicos redactores do proxecto e directores das obras.

- O prazo de iniciación das obras non poderá exceder de seis meses e o de terminación de tres anos, contados desde a data do outorgamento da licenza, non podendo interromperse as obras por tempo superior a seis meses. O interesado deberá notificar ao Concello a data de iniciación das obras. O Concello poderá conceder prórroga dos referidos prazos da licenza por unha soa vez e por un novo prazo non superior ao inicialmente acordado, logo da solicitude expresa formulada polo titular antes da conclusión dos prazos determinados, sempre que a licenza sexa conforme coa ordenación e lexislación urbanística vixente no momento de concesión da prórroga. A obtención de prórroga do prazo para comezar as obras non comporta de seu prórroga do prazo de terminación daquelas.

- Antes do inicio das obras formalizarase acta de comprobación do replanteo da aliñación asinado polos técnicos directores das obras, promotor, coordinador de seguridade, contratista e o técnico municipal designado.

- Cando o facultativo director dunha obra deixe de actuar na mesma debe poñelo en coñecemento do Concello no termo de tres días, mediante oficio debidamente visado polo Colexio Oficial. O propietario, á súa vez, está obrigado a nomear seguidamente, novo facultativo director da obra, comunicándoo por escrito ao Concello mediante a oportuna folla de encargo, tamén visada. De non cumprirse este trámite, a Alcaldía Presidencia ordenará a inmediata suspensión da obra.

- Será requisito indispensable en todas as obras dispor, ao pé da obra, de copia autorizada da licenza municipal e do proxecto autorizado, que estará a disposición da inspección municipal.

- Nas obras maiores será necesaria a colocación do cartel indicador de obra nun lugar visible dende o exterior, no que se faga consta-lo nome e apelidos do promotor, do contratista, dos técnicos proxectistas, dos directores da obra, de execución da obra e do coordinador de seguridade e saúde; ordenanza de aplicación e usos aos que se vai destinar a edificación, superficie construída, altura e número de plantas; data de expedición da licenza, número de expediente e prazo de execución das obras.

- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública.

- Os escombros e provisións de materiais non poderán amorearse na vía pública.
- Constituirase garantía suficiente aos efectos da reparación dos posibles danos que a execución das obras poidan causar na vía pública ou servizos municipais.
- Darase cumprimento ao artigo 4.c do Real Decreto 105/2008 polo que se regula a produción e xestión dos residuos de construción e demolición, referente ás obrigacións do produtor de residuos de construción e demolición: Dispoñer da documentación que acredite que os residuos de construción e demolición realmente producidos nas súas obras foron xestionados, no seu caso, na obra ou entregados a unha instalación de valorización ou de eliminación para o seu tratamento por xestor de residuos autorizado.

Terase en conta o capítulo II, Intervención na edificación e uso do solo da Lei 2/2016 do solo de Galicia, así como o capítulo II do Decreto 143/2016, do 22 de setembro polo que se aproba o Regulamento da Lei 2/2016 (RLSG).

-Presuposto: 13.714,68 €.

Apróbanse as seguintes liquidacións:

- . Imposto sobre construcións, instalacións e obras (provisional): 274,29 €.
  - . Taxa pola expedición de licenza urbanística: 60,00 €.
  - . Cartel indicador: 120,00 €.
- Total: 454,29 euros.

### **3.- PROPOSTA DA ALCALDÍA DE APROBACIÓN DAS BASES DA CONVOCATORIA DE SUBVENCIONS A ENTIDADES PARA O FOMENTO DA IGUALDADE ENTRE HOMES E MULLERES E PREVENCIÓN DA VIOLENCIA DE XÉNERO, PARA O EXERCICIO 2018.**

Dáse conta aos membros da Xunta de Goberno Local da proposta da alcaldía de 10 de setembro de 2018 que se recolle a continuación:

#### **“PROPOSTA DE ALCALDÍA**

*Téndose aprobado pola Xunta de Goberno Local, na súa sesión ordinaria de data 07/05/2018 as bases da convocatoria de subvencións a entidades promotoras da igualdade entre homes e mulleres e prevención da violencia de xénero, polas actividades realizadas en 2018, que foron publicadas no Boletín Oficial da Provincia nº102 de data 31/05/2018.*

*Téndose valorado a documentación presentada polas entidades interesadas por parte da comisión de valoración á que se refire a base 8ª da convocatoria, que presentou a súa proposta de concesión en data 24/07/2018*

*Visto o informe de Intervención emitido ao respecto, de data 10/09/2018.*

*E, considerando o disposto na citada Base 8ª da Convocatoria referida,*

*PROPOÑO á Xunta de Goberno Local a adopción dos seguintes acordos:*

***Primeiro.-*** *Aprobar a proposta da Comisión de valoración de data 24/07/2018, segundo a cal procede conceder os importes que de seguido se indican ás seguintes entidades beneficiarias:*

ENTIDADE	PUNTOS	LIMITE MAX	CONCEDIDO
TEENSES POLA IGUALDADE	55	900€	900€
ARC OS TILOS	50	900€	900€
AS PAMITE	50	900€	480€
<b>TOTAL</b>			<b>2.280€</b>

***Segundo.-*** *Dar conta do presente acordo ás entidades interesadas, así como ao servizo económico aos efectos oportunos.*

*Teo, 10 de setembro de 2018*

*O alcalde*

*Rafael Sisto Edreira”*

**Á vista da proposta transcrita, a Xunta de Goberno Local, por unanimidade dos seus membros presentes e por delegación da alcaldía (Decretos de 15/06/2015 e de 01/03/2016 (núms. 463/15 e 175/16)), acorda:**

***Primeiro.-*** *Aprobar a proposta da Comisión de valoración de data 24/07/2018, segundo a cal procede conceder os importes que de seguido se indican ás seguintes entidades beneficiarias:*

ENTIDADE	PUNTOS	LIMITE MAX	CONCEDIDO
TEENSES POLA IGUALDADE	55	900€	900€
ARC OS TILOS	50	900€	900€
AS PAMITE	50	900€	480€
<b>TOTAL</b>			<b>2.280€</b>

***Segundo.-*** *Dar conta do presente acordo ás entidades interesadas, así como ao servizo económico aos efectos oportunos.*

#### **4.- PROPOSTA DA ALCALDÍA DE APROBACIÓN DAS BASES DA CONVOCATORIA DE SUBVENCIONS AS ASOCIACIONS DE ÁMBITO VECIÑAL, SOCIAL E DE IGUALDADE PARA 2018.**

Dáse conta aos membros da Xunta de Goberno Local da proposta da alcaldía de 10 de setembro de 2018 que se recolle a continuación:

#### **“PROPOSTA DE ALCALDÍA**

*Téndose aprobado pola Xunta de Goberno Local, na súa sesión ordinaria de data 07/05/2018 as bases da convocatoria de subvencións do ámbito veciñal, social e de igualdade, polas actividades realizadas en 2018, que foron publicadas no Boletín Oficial da Provincia nº102 de data 31/05/2018.*

*Téndose valorado a documentación presentada polas entidades interesadas por parte da comisión de valoración á que se refire a base 8ª da convocatoria, que presentou a súa proposta de concesión en data 30/07/2018.*

*Visto o informe de Intervención emitido ao respecto, de data 10/09/2018.*

*E, considerando o disposto na citada Base 8ª da Convocatoria referida,*

*PROPOÑO á Xunta de Goberno Local a adopción dos seguintes acordos:*

***Primeiro.-*** *Aprobar a proposta da Comisión de valoración de data 30/07/2018 segundo a cal procede conceder os importes que de seguido se indican ás seguintes entidades beneficiarias:*

<b>ENTIDADE</b>	<b>PUNTOS</b>	<b>LIMITE MAX</b>	<b>CONCEDIDO</b>
<b>AV CARBALLEIRA</b>	<b>62</b>	<b>2250€</b>	<b>1.305,70€</b>
<b>MULLERES RURAIS</b>	<b>50</b>	<b>2250€</b>	<b>1.053€</b>
<b>O CASTRO DE RECESENDE</b>	<b>34</b>	<b>840€</b>	<b>716€</b>
<b>O CACHÓN</b>	<b>47</b>	<b>1535€</b>	<b>989,82€</b>
<b>AAVVA RAMALLOSA</b>	<b>47</b>	<b>840€</b>	<b>840€</b>
<b>A V TRINXIDOIRO</b>	<b>50</b>	<b>1200€</b>	<b>1053€</b>
<b>A CRUCEIRO DE MONTE</b>	<b>66</b>	<b>2250€</b>	<b>1.389,96€</b>
<b>TOTAL</b>			<b>7.347,48€</b>

***Segundo.-*** *Dar conta do presente acordo ás entidades interesadas, así como ao servizo económico aos efectos oportunos.*

*Teo, 10 de setembro de 2018.*

*O alcade*

*Rafael Sisto Edreira”*



Á vista da proposta transcrita, a Xunta de Goberno Local, por unanimidade dos seus membros presentes e por delegación da alcaldía (Decretos de 15/06/2015 e de 01/03/2016 (núms. 463/15 e 175/16)), acorda:

**Primeiro.-** Aprobar a proposta da Comisión de valoración de data 30/07/2018 segundo a cal procede conceder os importes que de seguido se indican ás seguintes entidades beneficiarias:

ENTIDADE	PUNTOS	LIMITE MAX	CONCEDIDO
AV CARBALLEIRA	62	2250€	1.305,70€
MULLERES RURAIS	50	2250€	1.053€
O CASTRO DE RECESENDE	34	840€	716€
O CACHÓN	47	1535€	989,82€
AAVV A RAMALLOSA	47	840€	840€
A V TRINXIDOIRO	50	1200€	1053€
A CRUCEIRO DE MONTE	66	2250€	1.389,96€
TOTAL			7.347,48€

**Segundo.-** Dar conta do presente acordo ás entidades interesadas, así como ao servizo económico aos efectos oportunos.

#### **5.- PROPOSTAS DA ALCALDÍA.**

Entrados neste punto non se presenta ningunha.

#### **6.- ROGOS E PREGUNTAS.**

Entrados neste punto non se presenta ningún/ha.

E non habendo máis asuntos que tratar, sendo as catorce horas e vinte e dous minutos, de orde da Presidencia, levántase a sesión, da que se estende a presente acta, do que eu, secretaria dou fe.

O alcalde

A secretaria acctal.

Rafael C. Sisto Edreira

Sandra M<sup>a</sup>. García Chenlo